



Synfocity = 743

mail us at : mzsynfo@gmail.com; mizoramsynod@gmail.com - Phone - 2314648

July 25, 2019

□ **Synod Mission Board leh ram pawn chet velna chanchin tlangpui**

◆ **Assam & Arunachal Mission Field (North)**

July 9 - 22, 2019 chung khan Daporijo-ah Music Training: Tonic Solfa, Khuang vuak, Guitar leh Conducting Training chu Pu P.C Vanlalhruaia, Lunglei Venglai hoin neih a ni a, mi 27 lai an tel thei a ni. July 22, 2019 (Pathianni) zan khan, Solfa Part kimin Aw Pathian Nangman Chanchintha min pe tih hla chu Trainingte hian an rem a. An training tirha kut ben rual pawh thiam lovin, Modulator thiam a, karhni chhung leka Solfa Part kima hla an rem thei mai hi a lawmawm hle. Music Training hi July 23 - Aug. 4, 2019 thleng hian Aalo Bial-ah neih chhonzawm tur a ni.

Jubilee Model High School, Jonai chuan July thla chung nipui chawlh remchan lai chuhin, Missionary Evangelist ten ni tinin Classroom Extension & Boys Hostel Renovation hna thawkin Workcamp an nei a. School tan leh hun Aug. 1, 2019 hmaa inpeih hman ngei turin an thawk ngawrh hle a ni.

July 20, 2019 khan Charu Fellowship, Daporijo Bialah ringthar, puitling 2 in Lal Isua zui turin chhinchhiahna an chang a, kumin 2019-a ringthar target 200 -ah 97 lai nei tawhin, 103 an la hmabak chu a bikima an neih ngei theih nan Kohhran hote tawngtaipui zel turin an sawm a ni.

◆ **Odisha Mission Field**

Bhubaneswar-ah hian Fellowship pahni Nayapalli leh Jeydev Vihar te an nei tawh a, Gillakuta Bial an ni. July 21, 2019 (Pathianni) khan mi pali, naupang 3 leh puitling 1 in Lal Isua zui turin chhinchhiahna an chang a ni.

◆ **Tripura Mission Field**

July 2 - 22, 2019 chung khan Tripura Gospel Team te rawngbawlnaah Purnojoy khua-ah July 21, 2019 (Pathianni) khan mi 6 in Lal Isua zui turin chhinchhiahna an chang a, ti hian Burburia Pastor Bial chhunga khaw 6 an kal tawhna atanga ringthar an neih zawng zawng zat chu 20 an ni.

◆ **Jharkhand Mission Field**

July 22, 2019 khan Unnao Biak Inah lang camp neih a ni a, mi 30 lai counselling class-ah hian an awm thei a, Thlarau pawlna an dawng nasa hle a. Mi 2 in Lal Isua zui turin chhinchhiahna an chang a ni. July 22, 2019 khan Jharkhand Mission Field-ah ringthar puitling 13 leh naupang 3 ten Lal Isua zui turin chhinchhiahna an chang a ni.

◆ **Assam Mission Field**

July 24 & 25, 2019 khan Assam Mission field a thawktute chuan field headquarters, Guwahati-ah mission consultation an nei a, harsatna lian tak nei thawktu 2 tih loh chu an telkim a ni. 'Hnam nun leh Chanchintha inlaichinna-rawngbawlna lam hawiin' tih leh 'Mission Strategy' zirho a ni. Field Master Plan ennawn a ni a, a hlawhtlinna lai leh a hlawhchhamna lai te zir hovin hmalak zel dan tur sawiho a ni. Zan lamah Pathian biak inkhawm neiin Pathian thua infuih thar a ni a, chhun leh zan hun remchangah inhriatpawh tawn nan sports hmanga inelna hlimawm tak hman a ni bawk. Thawktute bakah an kawppui leh fate pualin programme hran siam a ni a, missionary kawppuite mawhpurhna leh an fate awm dan turte hmanga inpawlho a ni bawk.

□ **MSSU**

◆ July 26, 2019 (Zirtawpni) zan hian Khatla North Kohhranah Sunday School Zirtirtute training neihpui turin MSSU Asst. Coordinator-te Upa Lalhahluna Ralte leh MSSU trainer Upa B. Lalhmunliana, Bethlehem Venglai te an kal ang.

◆ July 26, 2019 (Inrinni) hian Khawzawl Vengthar Bialah Sunday School Zirtirtute training neihpui turin MSSU Asst. Coordinator H.K Hmingthanzuala, leh MSSU trainer te Upa K. Vanlalnghaka, Ramhlun East leh Upa C. Lalbiaksanga, Zemabawk North te an kal ang.

□ **Synfo**

July 17 - 20, 2019 chungah North-East India Committee on Relief and Development (NEICORD) Board and Society meeting, Guwahati-a neih zawh takah Dr. Robert S. Halliday, Synfo Coordinator chu Vice Chairman atan thlan thar a ni.

Contd...

- ❑ **Draft New Education Policy 2019 inrawnkhawmna**
 Pu P.C. Vanlalhraia, Supervisor of Schools (PES) leh Pu T. Lalchhuangliana Supervisor of Schools (SMB) te chu Draft New Education Policy 2019 (DNEP 2019) chungchang sawi hona July 23, 2019 (Thawhlehi) chawhma dar 10:00 a neihah an tel.
 He sawihona hi Monfort Brother's Residence, St. Paul's School, Tlangnuam-ah neih a ni a. Hetah hian Mizoram Kohhran hrang hrang aiawhte, Central YMA aiawhte, MZP aiawhte leh mithiam sawmbik engemaw zat an tel a. India ramin New Education Policy a draft mek hi pheik 484 lai a ni a, Christian-te tan leh India hmarchhaka mi cheng a bik takin tribal -te tana tha lo tur a awmin a lang a, Hindu sakhua vulh len tumna nia ngaih theih a awm nual avangin he DNEP 2019 hi kan tan a that lohna leh kan duh lohna entir nan kawng hrang hranga hma lak ni se ti a rel a ni.
- ❑ **SL&PB**
 July 22, 2019 (Thawhtanni) zan khan Melthum Branch KṬP-in Literature night an hman a, SL&PB Editor Rev. Dr. C. Chawngmingliana'n a hmanpui.
- ❑ **Bookroom**
 July 22, 2019 (Thawhtanni) zan khan Synod Bookroom chuan Bungkawng Vengthar Branch KṬP sawmna chhangin Literature Night an hman a. Pu Lalniliana, Manager Synod Bookroom hnen atangin thuchah ngaihthlak a ni a, inkhawm banah Literature Night pual hian Special Sale neih zui nghal a ni a, KṬP member bakah Kohhran mipuiin an hlut hle. He Literature Night pual hian Bookroom chuan an lehkhabe 10% discount in an phochhuak a ni.
- ❑ **Kohhran Hmeichhia**
 July 20, 2019 (Inrinni) khan Aizawl Kohhran, Venghluiah Leadership training neihpuiin Central Kohhran Hmeichhe hruaitute Pi Sailuti leh Pi Lalhmingliani te an kal.
- ❑ **KṬP**
 Kristian Thalai Chanchinbu Golden Jubilee puala Central KṬP-in Quiz a buatsaih chu Elimination Round zawh fel tawh niin July 26, 2019 (Zirtawpni) zan dar 8 hian Synfo Studio atangin result puan a ni dawn a, hemi rual hian Kristian Thalai chanchinbu Golden Jubilee puala Logo insiamsiak result puan nghal a ni ang.
 Elimination Round hi July 20, 2019 (Inrinni) chhun khan Dawrpui Kohhran Hall-ah neih a ni a, Quiz -ah hian Branch 133 an tel thei a, Mamit district atangin Branch 6, Lunglei District atangin Branch 4, Champhai District atangin Branch 6, Serchhip District atangin Branch 11, Kolasib District atangin Branch 9 leh Aizawl District atangin Branch 97 an tel a ni.
 Branch 133 atangin top 20 thlan chhuah an ni a, heng top 20 thlan chhuahte hian Semi-Final Round Aug. 22, 2019 zanah an nei ang a, Final Round hi Aug. 23, 2019 zanah neih a ni ang. Quiz hi Hruaina Eng Channel-ah Live-a pek chhuah thin a ni ang.
- ❑ **Mizo Theological Literature Committee (MTLC) General Body Meeting**
 July 19, 2019 (Zirtawpni) chawhma dar 11 khan Mizo Theological Literature Committee (MTLC) General Body Meeting, Synod Office-a Utility Room-ah neih a ni.
 Meeting hi Synod Moderator Rev. R. Lalhmingthanga'n a kaihruai a, Mizoram Presbyterian Kohhran, Kohhran dangte leh Kristian inzawmkhawm pawlte atangin member-ten MTLC hruaitu thar ruatna leh pawl hmalak zelna tur an rel. MTLC hian Mizo tawngin Pathian thu pawimawh tak takte a buin a lo chhuah tawh thin a. Chung zinga mi One Volume New Testament Commentary a lo chhuah tawh chu en tha lehin tunah hian Swapna Press, Kolkatta-ah chhuttir mek a ni.
- ❑ **ATC**
 India rama Biblical Studies tihmasawn kawnga sulsutu, Indian Biblical Scholar rualte fuan khawmna pawl, Society for Biblical Studies in India chuan July 26-27, 2019 hian Hyderabad-ah Regional Seminar a buatsaih dawn a. He Seminar-ah hian Bible zirna lama mi thiam rualten paper an present ang. He hun hman tur hian ATC atangin Rev. Dr. B. Lalnunzira, Associate Professor of Old Testament pawh a zuk tel dawn a, ani hian, "*Hospitality towards Raiders: Interpreting Elisha's Hospitable Acts in the Indian Secular Realities (2 Kings 6. 8-23)*" tih chu a zuk present ang. Rev. Dr. Zira hi SBSI Gen. Secretary tanglai a ni a, ani ang mi thiam leh hnam dangte zinga tlangtla tak kan nei hi a lawmawm tak zet a ni.

- ❑ **Worship Deptt.**
July 26 & 27, 2019 hian Diakkawn Kohhran, Kolasib-ah Zai hruai training neihpui turin Pu Lalromawia, Senior Instructor a kal ang.
- ❑ **Revival Deptt.**
July 25 & 26, 2019 hian Nisapui Kohhran Harhna Centenary lawmna hmanpui turin Rev. K. Rolungmuana, Revival Director a kal.

❑ **Synod Relief Fund**

- ♦ Tun hnaia harsatna hrang hrang nei te hnenah hetiang hian Synod Relief Fund pek a ni.

S.No	Khua	Pek chhan	Chhungkaw zat	Chhawmdawlina pek zat
1.	Sateek, Stall Veng	In chim	1	Rs. 10,000/-
2.	Tuidam	Damlo	1	Rs. 8,000/-
TOTAL				Rs.18,000/-

❑ **Hruaina Eng FM Radio**

- ♦ **JULY 26, 2019 (FM Zoawi Aizawl @ 7:30 p.m.):**

Solo : RTC Lalduhawmi - Ngawlveite inhlanna
Thusawi : Dr. Sanghluna - Mizo thalaite leh Ruihlo
Zaipawl : Mission Vengthlang Pastor Bial Zaipawl - Amen nun
Kohhran Rawngbawlina hrang hrang

- ♦ **JULY 26, 2019 (FM Zoawi Lunglei @ 7:30 p.m.):**

Solo : B. Lalbiaksiami - Hlimna Isua
Thusawi : Dr. Sanghluna - Mizo thalaite leh ruihtheihthil ruihlo
Zaipawl : Lunglei Chanmari Pastor Bial Zaipawl
Kohhran Rawngbawlina hrang hrang

❑ **Hruaina Eng TV Programme**

- ♦ **JULY 28, 2019 (Tv Programme) @ 4:00 - 6:00, 8:00 - 9:00 p.m :**

Weekly Round Up, Sermon : R. Lalnunkima - Rilru Hrisel, Sawihona : World Hepatitis Day pual.

Susamachar Prasaran Programme

- ♦ **JULY 28, 2019 (Pathianni) 5:00 pm. :**

Group/Choir/Solo : Sarihajan Pastorate Choir - Anong kethe, **Group/Choir/Solo** : Durtlang Masihi Sangati - Kruspar, **Sermon** : Zohmingthanga - Yesu Me Changgai, **Group/Choir/Solo** : Champhai Vengthlang Pastor Bial - Hamara Kal, **Group/Choir/Solo** : R. Lalruatfeli - Tu Wahi

❑ **Moderator leh Executive Secretary-te Programme:**

Rev. R. Lalhmingthanga : Moderator

July 26, 2019	Zirtawpni	Nisapui Kohhran Harhna Centenary
July 27, 2019	Inrinni Zan	Thenzawl Venghlun Kohhran Thenzawl Bial
July 28, 2019	Pathianni Chawhma	Thenzawl Vengthlang Kohhran Thenzawl Bial
July 28, 2019	Pathianni Chawhnu	Vengthar Kohhran Thenzawl Bial
July 28, 2019	Pathianni Zan	Venglai Kohhran Thenzawl Bial

Rev. Lianhmingthanga Sailo : Senior Executive Secretary

July 24 - 27, 2019 PCI Working Committee, Shillong

Rev. B. Sangthanga : Executive Secretary

July 29, 2019 SL&PB Committee.
 July 30, 2019 Child and Evangelism Cell, MSSU.
 July 31, 2019 SEC thurel bawhzuina meeting.

Rev. K. Lalrinmawia : Executive Secretary

July 30, 2019 MPF leh Central KTP Committee.
 July 31, 2019 Ramthar BEC.
 Aug. 1 - 4, 2019 Interserve Annual General Body Meeting, Pune.